



貴州文庫編輯出版委員會

〔乾隆〕

# 玉屏縣志

第二冊

〔清〕

趙田  
沁榕  
修纂

一九六五年貴州省圖書館複製油印本

 貴州出版集團  
貴州人民出版社

貴州師範學院內部使用

玉屏縣志卷之九

事紀志

事紀

雜紀附

平溪古為西南彝地漢唐以來師旅之事無代  
無之自明置軍建衛初尚武功繼修文德事故  
寢多今我

國家損益百代郁郁乎文其所為制度尤有所當  
大書特書不一書者迺採舊聞稍加詮次俾後  
有述焉作事紀志

事紀

事紀

周

楚頃襄王遣將莊豪一作從沅水伐夜郎軍至且

蘭椽船於岸而步戰後漢書西南通道之始

後漢

建武二十四年馬援率中郎將馬武耿舒等征五

溪蠻明年春軍至臨鄉遇賊攻縣援迎擊破之

斬獲二千餘人皆散走入竹林中後漢書

宋

太祖三年七月珍州刺史田景千內附五溪圍練

使洽州刺史田處崇上言湖南節度馬希範建  
敘州潭陽縣為懿州署臣叔父萬盈為刺史希  
範卒其弟希萼改為洽州願復舊名詔從其請  
十二月詔溪州宣充五溪團練使刻印以賜之

宋史

神宗熙寧九年章惇招降五溪蠻五溪皆平

綱目

神宗元豐八年湖北轉運使言辰州江外生蠻單  
仕穗等願內附不許自後五溪郡縣棄而不問  
紹興六年詔沿邊溪峒諸州置弓弩手 知鼎州

張翬言澧辰沅靖與溪峒接壤祖宗時嘗置弓弩手得其死力比緣多故遂皆廢缺因詔荆湖北路帥師以聞帥司言今辰靖等州兵乏守誠復置立分處要害量給土田訓練以時耕戰合度庶可備禦詔從之

孝宗乾道元年詔平溪峒互市鹽米價聽民便毋相抑配其徭人歲輸身丁米務平收無取羨餘及折輸錢違者論罪

宋史

乾道六年廬陽西口獠陽朝寇邊知沅州孫叔傑

調兵數千討之敗績 時宰臣虞允文奏曰蠻  
彝為變皆守臣貪功所致今蠻人仇殺守臣若  
更叔傑量遣官軍示以兵威徐與盟誓自可平  
定帝允其奏俾葉行代叔傑開示恩信慰以禍  
福遂招降之邊境悉平

湖廣通志

寶祐五年十一月詔京師湖帥臣黃平清浪平溪  
分駐屯戍庚辰詔三邊郡縣官無擅離職守諸

制帥臣共嚴糾察

宋史紀本

元

世宗至元二十七年設平溪軍民長官隸管番民

總管史元

明

洪武五年三月辰州一十八洞及九溪九渡米坪

散毛獠溪洞蠻共連結作亂命衛國公鄧愈為

征南將軍楊璟為副討平之舊志略

洪武五年八月鄧愈率師平散毛等三十六洞而

副將軍吳良等平五開潭溪古州諸蠻凡二百

二十三洞皇明大政紀

洪武十三年湖南五溪蠻作亂江夏侯周德興請

行征討師至蠻悉散走不敢復出湖廣通志

洪武十四年九月征南將軍傅友德率大軍由辰

沅趨貴州征雲南湖廣通志

洪武十四年傅友德副將軍藍玉洙英征雲南大

軍由辰沅趨貴州進取普定擒安瓚諸蠻犵狁

聞風迎降貴州路通沿途設堡此平溪設堡之

始於時尚未建衛舊志略

洪武十五年詔傅友德及藍玉班師留洙英鎮滇

中  
史明

洪武二十二年置平溪衛屬湖廣都司明史

洪武二十三年六月詔給平溪清浪鎮遠偏橋等

十三衛屯牛皇明大政紀

洪武二十四年古州諸洞蠻作亂命都督俞通淵

率辰沅貴州諸衛軍討之皇明大政紀

洪武三十年五月命楚王禎率護衛軍以湘王柏

為副統都司所屬諸衛征古州洞蠻皇明大政紀

洪武三十一年令兵部凡所官子弟在外衛所者

十歲以上即令供職還原衛讀書習弓馬以候

比試皇明大政紀

洪武三十四年五月湖廣五溪蠻作亂江夏侯周

德興請行七月周德興師至五溪苗悉遁去明

大政紀

宣德元年鎮遠邛水奧洞蠻苗銀總聚兵欲攻思

州總兵蕭綬調辰沅諸衛兵壹萬四千勦之通

景泰五年巡撫王永壽以苗賊蒙能攻圍龍里新

化銅鼓五開諸城調兵勦之而賊欲取龍里為

巢穴急攻破亮寨銅鼓羅圍堡諸城都指揮汪  
迪為賊所殺朝議以南河伯方瑛為平蠻將軍  
統湖廣諸軍討之蒙能糾賊三萬出攻平溪衛  
瑛遣指揮鄭泰等以火鎗攻之斃賊三千人能  
亦被殺而能黨李珍尚煽惑苗衆官軍討擒之  
克復銅鼓藕洞連破鬼坂等一百六十餘寨軍

洞上陸諸苗悉降

通志

按是時衛指揮張俊領千戶一人失百戶一人  
失巡哨至太平堡突遇能至舉炮為號苗追至

三家橋三人皆遇害掌印指揮鄭泰聞炮聲乃  
得為備今人但知鄭泰大功而張俊三人巡哨  
有功且俱被害久已淹沒故附志於此

成化元年各省奏報水災詔戶部勘實被災地方

辰沅以上平清偏鎮辰沅六衛地方給與屯種

成熟准折月糧

明史

弘治己未十二年夏四月闔衛紳士赴闕乞建衛

學時宦寺李廣等擅權意在納賄蒙蔽不允

舊志略

辛酉十四年夏五月闔衛紳士赴闕再請建學值

火節入寇內帑空虛不允舊志

十七年閏四月闔衛紳士三赴闕乞建學蒙大學

士李東陽疏請命下允之衛乃有學舊志

正德辛未六年江津賊首方四等七人寇軍民屯

堡貴州都司清浪參將等合軍討之斬賊首四

人擒方四三人於平溪城北河下悉殲之有碑

紀功舊志

正德己卯十四年兵部郎中侯位黃鞏等諫止遊

幸廷杖降罰舊志

嘉靖元年詔正德時各官諫止遊幸降謫為民者  
復職衛人侯位陞操江巡撫轉兵部左侍郎

嘉靖四年謫四川道御史余翹戍平溪以爭大禮

故也

舊志略

嘉靖十七年庚戌紅苗出劫近北河城中軍少巡  
捕指揮高冠獻禦苗策取通城內外竈鍋置津  
渡處官軍嚴守苗人赤脚不敢前患乃定是年

思州再陷

舊志略

嘉靖十八年六月命征南將軍仇鸞調平清偏鎮

事紀

四衛軍從征安南指揮高岳弟高序赴敵死之

有功賜天堂地土

舊志略

嘉靖十八年篁子坪龍老恰之子龍母叟聚衆攻  
劫其後大小略變與亞西等寨苗頭龍求兒等  
見彼劫擄獲利因糾銅平苗寇劫以清浪衛指  
揮僉事朱衣守備鎮篁十九年正月進於爆木  
坪是時苗尚知懼每寨各出牛馬求退我師至  
三月五寨司奸細侯答保刻箭誘篁子坪團溪  
板粟惡黨及銅仁旦達諸苗出劫又鎮溪亞西

苗龍柳比等復叛苗之禍大遂屯聚騰爾深山  
辰沅兵備副使李瑜調徵永保土兵委平溪都  
指揮高崗鳳同朱衣率保靖兵六百進抵篁子  
坪惡黨寨苗頭龍遠吳得狗等咸請隨軍征討  
生擒首惡龍答已等七十七名俘獲屬五十二  
名並擒獲奸細侯答保解道羈候瑜又遣辰州  
衛尤欽傅啓忠同高崗鳳督衣保鎮溪兵一千  
進入騰爾山功幾成奉湖廣撫按兩院火牌令  
退兵隨將叛苗餘黨招撫安置